

## 12. gr.

Stjórninni skal falið að semja arðskrá í samráði við fiskræktarráðunaut Bún-  
aðarfélags Íslands. Arðskrá er komin í gildi, ef lögmætur fundur samþykkir hana  
og undirrituð er af  $\frac{2}{3}$  félagsmanna. Gildir hún til 10 ára í senn og er háð staðfest-  
ingu ráðherra.

Kostnað, er leiðir af starfsemi félagsins, skulu félagsmenn greiða í sama hlut-  
falli og þeir taka arð.

## 13. gr.

Brot gegn samþykkt þessari varða sektum til sýslusjóðs, allt að 1000 krónum,  
og öðrum viðurlögum samkvæmt XIV. kafla laga nr. 61 23. júní 1932.

## 14. gr.

Lögum þessum verður ekki breytt nema  $\frac{2}{3}$  mættra félagsmanna á aðalfundi  
samþykki breytinguna.

## 15. gr.

Félaginu má slíta, ef  $\frac{2}{3}$  félagsmanna samþykkja það.

Samþykkt þessi staðfestist hér með samkvæmt lögum nr. 61 23. júní 1932 til  
þess að öðlast gildi þegar í stað, og birtist til eftirbreytni öllum þeim, sem hlut  
eiga að máli.

*Atvinnu- og samgöngumálaráðuneytið, 23. maí 1939.*

**Hermann Jónasson.**

*Vigfús Einarsson.*

## S A M Þ Y K K T

fyrir Fiskræktarfélag Súgfirðinga.

78

23. maí

## 1. gr.

Félagið heitir Fiskræktarfélag Súgfirðinga. Heimili þess og varnarþing er Suður-  
eyri í Súgandafirði.

## 2. gr.

Markmið félagsins er að koma á laxveiði í Staðará og Botnsá í Suðureyrar-  
hreppi, svo sem með klaki, friðun og eyðingu hvers konar veiðivargs, setja reglur  
um veiðitæki og veiðiaðferðir, ef nauðsyn krefur, eftir því sem lög leyfa. Sömu-  
leiðis getur félagið tekið upp félagsveiði, enda sé um það efni fullnægt ákvæðum 70.  
gr. laga nr. 61 23. júní 1932.

## 3. gr.

Félagssvæðið eru allar þær jarðir, sem lönd eiga að Staðará og Botnsá.

## 4. gr.

Félagið kaupir laxaseiði til uppeldis í vötnum sínum eða starfrækir laxaklak,  
eftir því sem við verður komið og um semst, í félagi við Fiskiræktarfélag Önfirð-  
inga. Kostnaði við þessa starfsemi skal jafnað á félagsmenn samkvæmt gjaldskrá  
félagsins.

## 5. gr.

Stjórn félagsins skipa þrír menn, formaður og tveir meðstjórnendur. Skal  
jafnan einn af þeim eiga heima í Botni. Skulu þeir kosnir á aðalfundi til þriggja

78 ára í senn og ganga úr stjórninni einn í senn, fyrstu árin eftir hlutkesti. Sömuleiðis 23. maí skulu kosnir tveir varamenn.

## 6. gr.

Stjórnin hefir á hendi allar framkvæmdir félagsins á milli funda. Formaður er fulltrúi félagsins út á við og hefir yfirumsjón með öllum störfum þess og fjárreiðum, boðar fundi og stýrir þeim. Verði félagsveiði, hefir stjórnin á hendi framkvæmd og umsjón hennar.

## 7. gr.

Aðalfundur skal haldinn í marz eða aprílmánuði ár hvert. Skal formaður boða hann skriflega eða milliliðalaust með þriggja daga fyrirvara. Á aðalfundi skýrir stjórnin frá störfum félagsins á liðnu ári og leggur fram endurskoðaða reikninga til úrskurðar fundarins. Þar skulu teknar ákvarðanir um starfsemi félagsins á yfirstandandi ári. Skulu þar og kosnir tveir endurskoðendur reikninga. Afl atkvæða ræður úrslitum á fundum, nema um breytingar á samþykkt eða gjaldskrá eða félagsslit sé að ræða. Aðalfundur er lögmætur ef  $\frac{1}{4}$  félagsmanna mætir. Enginn má fara með nema eitt atkvæði á fundum félagsins.

## 8. gr.

Aukafundi heldur stjórnin, þegar henni þykir ástæða til, eða ef  $\frac{1}{4}$  félagsmanna æskir þess skriflega til félagsstjórnar og tilgreinir fundarefni.

## 9. gr.

Reikningsár félagsins er almanaksárið.

## 10. gr.

Semja skal gjaldskrá, sem sýni hundraðshluta þann af stofnkostnaði og árskostnaði, sem hver félagsmaður á að greiða samkv. lögum um lax- og silungsveiði, nr. 61 frá 23. júní 1932. Gjaldskrá skal lögmætur félagsfundur samþykkja. Má aðeins breyta henni samkvæmt þeim ákvæðum, sem gilda um breytingar á samþykktinni.

## 11. gr.

Gjalddagi tillaganna er 1. október.

## 12. gr.

Brot gegn samþykkt þessari varða sektum allt að tvö hundruð krónum, sem renna í sýslusjóð. Enn fremur skal hinn brotlegi sóttur til skaðabóta, ef aðalfundur kveður svo á. Með mál út af brotum gegn samþykkt þessari skal farið sem almenn lögglumál.

## 13. gr.

Samþykkt félagsins verður aðeins breytt á aðalfundi, ef tveir þriðju fundarmanna samþykkja það og breytingartillögurnar hafa verið birtar í fundarboðinu.

## 14. gr.

Félaginu má slíta ef tveir þriðju félagsmanna samþykkja það. Skuldum og eignum félagsins á þeim tíma skal jafnað niður á félagsmenn samkvæmt gjaldskránni.

Samþykkt þessi staðfestist hér með samkvæmt lögum nr. 61 23. júní 1932 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 23. maí 1939.*

**Hermann Jónasson.**

*Vigfús Einarsson.*